



Paleng-QR Ph

Frequently Asked Questions (FAQs)

1

Ano ang Paleng-QR Ph Program?

Ang Paleng-QR Ph ay isang programang binuo ng Department of the Interior and Local Government (DILG) at Bangko Sentral ng Pilipinas (BSP). Layunin ng programa na palawakin ang *digital payments* —o ang pagbabayad gamit ang mga *digital device* katulad ng *smartphone*—sa mga palengke at *tricycle* sa pamamagitan ng QR Ph, ang *national QR code standard* para sa *digital payments*.

Ang pagbabayad ng mga pinamili sa palengke at pamasaha sa lokal na transportasyon ay kasama sa karaniwang binabayad sa pang-araw-araw ng isang ordinaryong Pilipino. Kapag tumatanggap na ng *digital payments* ang mga tindera sa palengke pati na ang mga *tricycle* at *community transport drivers*, mas maraming Pilipino na ang mahihikayat na gumamit na rin ng *digital payment* sa kanilang pang araw-araw na transaksyon. 'Pag nag-*digital payment*, di na kailangan mag-*withdraw*, magbitbit at magbayad gamit ang *cash* na s'ya ring makakatulong upang makaiwas sa mga posibleng panganib na pangkalusugan at iba pa.

2

Ano ang QR Ph initiative?

Ang QR Ph ay inisyatiba ng BSP at payments industry upang magkaroon ng isang *national QR code* para sa *digital payments*. Ito ay naglalayong paigtingin ang paggamit ng QR code sa *digital payments* kahit na sa pagitan ng magkaibang bangko o *wallet providers*. (<https://bit.ly/QRPhFAQs>)

3

Paano makilahok sa Paleng-QR Ph Program?

Ang mga *local government units (LGUs)* ay hinihikayat na makilahok sa programang ito upang mapakanibangan ng kanilang mga *constituents* ang *cashless transactions* sa mga palengke. Ang mga palengke na kalahok sa Paleng-QR Ph program ay magkakaroon ng mga *banners* o *posters* na may [logo ng programa](#).

Alamin sa inyong mga lokal na opisyal kung nakapaglunsad na sila ng Paleng-QR program sa inyong LGU.





Paleng-QR Ph

Frequently Asked Questions (FAQs)

4

Ano ang papel ng mga LGU sa Paleng-QR Ph Program?

Inaasahang mag-issue ang mga LGU ng ordinansa upang mahikayat ang mga nagtitinda sa palengke, *tricycle* o *community transport drivers*, at iba pang mga tindahan na tumanggap ng *digital payment* mula sa mga mamimili gamit ang QR Ph. Tutulungan din ng mga LGU ang mga ito na magkaroon ng *transaction account* (katulad ng *bank account* at *e-wallet*) na maaaring magamit sa QR Ph payments. Gagawin nila ito sa pamamagitan ng pag-organisa ng “*account opening day*,” sa tulong ng mga *financial service providers* (FSP, katulad ng bangko at e-money issuers) na kalahok sa QR Ph initiative.

Hindi magiging eksklusibo ang partisipasyon ng mga FSP sa Paleng-QR Ph program. Maaaring makipag-partner ang LGU sa kahit gaano karaming FSP.

5

Ano ang papel ng mga FSPs sa Paleng-QR Ph Program?

Ang mga FSP na makikilahok sa programa ay inaasahang maglalagay ng *customer assistance booths* at magbibigay ng mga *QR code printouts* sa mga tindera at iba pang *target users* habang isinasagawa ang “*account opening day*” sa LGU.

6

Ano naman ang aasahan sa BSP at DILG?

Sa tulong ng BSP, magbibigay ng *technical assistance* ang DILG sa mga LGU ukol sa *account onboarding*, *digital payments* at *financial literacy*. Magtutulungan din ang BSP at DILG upang mas maraming makaalam ukol sa programa at mas mapabilis ang *roll-out* nito sa iba’t ibang lungsod at munisipalidad sa bansa.

7

Ako ay tindera pero wala akong valid ID. Maari ba akong makapagbukas ng transaction account upang makagamit ng digital payments alinsunod sa layunin ng Paleng-QR Ph program?

Maaaring makipag-ugnayan sa inyong LGU para matulungan kayong makakuha ng akamang dokumento tulad ng *LGU certification* para makapagbukas ng *account*.





Paleng-QR Ph

Frequently Asked Questions (FAQs)

8

Lahat ba ng LGU ay maaaring makilahok sa Paleng-QR Ph program?

Lahat ng lungsod at munisipalidad ay hinihikayat na makilahok sa Paleng-QR Ph program. Nilagdaan ng BSP at DILG ang isang *joint memorandum circular (JMC)* noong ika-21 ng Hunyo 2022, na nagtatagubilin sa lahat ng mga LGU na makilahok sa Paleng-QR Ph. Nakasaad sa JMC ang mga *guidelines* para sa implementasyon ng Paleng-QR Ph program sa mga LGUs upang maisulong ang *digital payments* sa mga palengke, sari-sari store, mga *tricycle driver*, mamimili, at mga *commuter*.

9

Ako ay isang mamimili at hindi naman tindera. Maaari ba akong mahilahok sa *account opening day*?

Ang mga LGUs ay inaasahang tulungan at hikayatin ang mga mamimili na magbukas ng *transaction account* upang mas maisulong ang paggamit ng digital payments sa mga palengke at sa buong komunidad. Ang pagbubukas ng *transaction account* ay isang indikasyon ng *financial inclusion* na naglalayong makagamit ang bawat Pilipino ng iba't iba at naangkop na *financial services* tulad ng *loans at insurance* na makakatulong sa pag-angat ng kanilang mga buhay.

10

Ano ang maaaring mga benepisyo na maaasahan namin sa Paleng-QR Ph?

Makakatulong ang Paleng-QR Ph program sa mga tindera, tindero, *tricycle driver* at kanilang mga *customer* at pasahero na makapagbukas ng *transaction account* na maaari nilang gamitin sa *digital payments*. Sa paggamit nila ng *digital payments*, maaari na nilang maiwasan ang pagkalat ng pekeng salapi at paglaganap ng sakit tulad ng COVID-19.

Maaari na rin nilang gamitin ang kanilang *transaction account* upang ma-access ang ibang mga serbisyo pinansyal tulad ng pautang, *insurance at investment*.

Para naman sa mga LGU, mas madali nang makapagbigay ng mga ayuda at mga iba pang pinansyal na benepisyo derecho sa transaction accounts ng mga *constituents*.

Para sa karagdagang impormasyon tungkol sa Paleng-QR Ph program: <https://bit.ly/PalengQRPh>

